

গণপ্রজাতন্ত্রী বাংলাদেশ সরকার
অর্থ মন্ত্রণালয়
অর্থনৈতিক সম্পর্ক বিভাগ (ইআরডি)
এডিবি-৬ অধিশাখা
শেরে বাংলা নগর, ঢাকা।
www.erd.gov.bd; Fax: 9180788

প্রেস বিজ্ঞপ্তি

অদ্য ১৭ জুলাই ২০১৬ তারিখ ঢাকায় বাংলাদেশ সরকার এবং এশীয় উন্নয়ন ব্যাংক (এডিবি)-এর মধ্যে স্থানীয় সরকার বিভাগের আওতায় বাস্তবায়িতব্য “Dhaka Water Supply Network Improvement Project” - শীর্ষক প্রকল্পের অনুকূলে ২৭৫ মিলিয়ন মার্কিন ডলারের ঋণচুক্তি স্বাক্ষরিত হয়। বাংলাদেশ সরকার পক্ষে অর্থনৈতিক সম্পর্ক বিভাগের সিনিয়র সচিব জনাব মোহাম্মদ মেজবাহউদ্দিন এবং এডিবি’র পক্ষে বাংলাদেশ আবাসিক মিশনের কান্ডি ডিরেক্টর Mr. Kazuhiko Higuchi ঋণচুক্তিতে স্বাক্ষর করেন। ঋণচুক্তি স্বাক্ষরের পাশাপাশি ঢাকা ওয়াসা’র পক্ষে প্রকৌশলী তাকসিম এ খান, ব্যবস্থাপনা পরিচালক, ঢাকা ওয়াসা এবং এডিবি’র পক্ষে বাংলাদেশ আবাসিক মিশনের কান্ডি ডিরেক্টর Mr. Kazuhiko Higuchi এ সংক্রান্ত প্রকল্পচুক্তিতে স্বাক্ষর করেন। ঋণচুক্তি স্বাক্ষর অনুষ্ঠানে বাংলাদেশ সরকার ও এডিবি’র সংশ্লিষ্ট উর্ধ্বতন কর্মকর্তাবৃন্দ উপস্থিত ছিলেন।

প্রকল্পের মোট প্রাক্কলিত ব্যয় ৪০৮ মিলিয়ন মার্কিন ডলার। এর মধ্যে এডিবি ২৭৫ মিলিয়ন মার্কিন ডলার Ordinary Capital Resources (OCR) ঋণ হিসাবে প্রদান করবে। অবশিষ্ট ১৩৩ মিলিয়ন মার্কিন ডলার বাংলাদেশ সরকার যোগান দেবে। এডিবি প্রদেয় OCR ঋণ ৫ বছরের রেয়াতি মেয়াদসহ ২০ বছরে পরিশোধযোগ্য তবে ঋণে সুদের হার London Inter Bank Offered Rate (LIBOR) ভিত্তিক।

স্থানীয় সরকার বিভাগ এ প্রকল্পের নির্বাহী সংস্থা (Executing Agency) এবং ঢাকা ওয়াসা এ প্রকল্পের বাস্তবায়নকারী সংস্থা (Implementing Agency)। প্রকল্পের বাস্তবায়নকাল এপ্রিল, ২০১৬ হতে অক্টোবর, ২০২১ পর্যন্ত। প্রকল্পটি গত ২৪ মে ২০১৬ তারিখে একনেক সভায় অনুমোদিত হয়।

প্রকল্পের উদ্দেশ্য ঢাকা মহানগরীতে ক্রমবর্ধমান চাহিদার প্রেক্ষিতে শহর অঞ্চলে বসবাসরত জনগোষ্ঠীকে নিরাপদ পানির সুবিধার আওতায় এনে আর্থ-সামাজিক উন্নয়নের ক্ষেত্রে অবদান রাখা। উল্লেখ্য, বর্তমানে ঢাকা ওয়াসার সার্ভিস ডেলিভারি এবং সক্ষমতা বৃদ্ধির লক্ষ্যে এডিবি’র অর্থায়নে দুটি প্রকল্প (i) Dhaka Water Supply Sector Development Program এবং (ii) Dhaka Environmentally Sustainable Water Supply Project চলমান রয়েছে। এ দুটি প্রকল্পের অধীনে যথাক্রমে ৪৭টি ও ১৫টি District Metering Area (DMA) প্রতিষ্ঠিত হবে। প্রকল্পটি চলমান প্রকল্প দুটির কার্যক্রমের ধারাবাহিকতা বজায় রেখে ভবিষ্যতের জন্য টেকসই ও নির্ভরযোগ্য পানি সরবরাহ নিশ্চিত করবে।

প্রকল্পের মাধ্যমে নিম্নোক্ত কার্যাবলী সম্পাদিত হবেঃ

- (ক) পানির অপচয় লক্ষণীয় পর্যায়ে হ্রাসকরণ, সকল গ্রাহক সংযোগ মিটার ভিত্তিককরণ এবং জাতীয় পর্যায়ে পানি সাশ্রয়ের লক্ষ্যে ঢাকা ওয়াসার ০৭টি জোনে পানি সরবরাহ নেটওয়ার্ক শক্তিশালীকরণ ও ৮২টি নতুন ডিস্ট্রিক্ট মিটারিং এরিয়া (ডিএমএ) প্রতিষ্ঠাকরণ।
- (খ) Non Revenue Water (NRW) Reduction Plan প্রস্তুতকরণ এবং প্রতিষ্ঠিত ডিএমএ সমূহে লাগসই প্রযুক্তি Supervisory Control and Data Acquisition System (SCADA) অন্তর্ভুক্তির মাধ্যমে ঢাকা ওয়াসার ব্যবস্থাপনা ও কারিগরি দক্ষতা বৃদ্ধিকরণ।
- (গ) সার্বক্ষণিক (২৪/৭) প্রেসারাইজড সিস্টেমে নিরাপদ পানি সরবরাহ নিশ্চিত করার নিমিত্ত water quality monitoring system এর মাধ্যমে ঢাকা ওয়াসার সেবা প্রদান ক্ষমতা বৃদ্ধিকরণ।

এডিবি বাংলাদেশের অন্যতম প্রধান উন্নয়ন সহযোগী। বাংলাদেশ ১৯৭৩ সালে এর সদস্যপদ লাভ করার পর থেকে এ সংস্থা তাদের আর্থিক সহায়তার একটি বড় অংশ বাংলাদেশকে প্রদান করে আসছে। এডিবি এ যাবৎ বাংলাদেশকে ১৬ বিলিয়ন মার্কিন ডলারের অধিক ঋণ-সহায়তা প্রদান করেছে। বাংলাদেশে উন্নয়ন সহায়তার ক্ষেত্রে এডিবি প্রধানতঃ বিদ্যুৎ, জালানি, পরিবহন, শিক্ষা, স্থানীয় সরকার, কৃষি, পানি সম্পদ এবং সুশাসন সেক্টরকে প্রাধান্য দেয়।

১৭-৭-১৬
সালিনা পারভেজ
উপ-সচিব
অর্থনৈতিক সম্পর্ক বিভাগ
অর্থ মন্ত্রণালয়
গণপ্রজাতন্ত্রী বাংলাদেশ সরকার